

مساحات الفراغ في شخصية ابنك يملؤها غيرك

حسين عبدالرازق

السلام عليكم ورحمة الله وبركاته صباح الورد والفل والياسمين آآ عايز ابدأ في الكلام عن فكرة الفيديو ده بقصة هي اللي اوحت لي بالفكرة كان في شاب مسلم آآ طيب - [00:00:01](#)

آآ كان منعزل في قرية عايش في قرية في اوروبا وكان بيمر بزروف صعبة جدا وكان يحتاج ان حد يكون جنبه من اصحابه كانوا مش مهتمين به في الفترة دي خالص - [00:00:18](#)

آآ خطط على بابه مجموعة من المنصرين آآ طائفة من النصارى بيلفوا على البيوت في اوروبا. وانا شفتهم يعني في كذا بلد آآ بيخبطوا على الناس وآآ ويكلموك ويحاولوا يتحاوروا معك عشان تدخل في دينهم - [00:00:31](#)

هم خبطوا على بيته واتكلموا معه وبدأ يشعر باهتمامهم ويحاوروه ويسمعوا له هو آآ بمجرد ان هو حس ان هم آآ بيسمعوا له وبيهتموا به بدأ يتจำกوا معهم شوية كان هيتنصر واخدوا رقم تليفونه وبقوا بيتوافقوا معه - [00:00:49](#)

لولا ان الله سبحانه وتعالى رحمه وآآ ثبته وتبه اصحابه اللي كانوا مهملين في حقه كانوا مطنشين ما كانواش بيسألوا تبهوا لخطر انهم يسيبوه لوحده في المرحلة دي بدأوا يرجعوا تاني يقربوا منه ويشجعوه على الخير. والحمد لله - [00:01:07](#)

آآ القصة دي بتذكرني بفكرة لعبة الاطفال دي لقيت ابني بيلعب بها فكرتني بالفكرة دي. ان اللعبة دي لعبة الفراغات ابنك هو في مساحات من الفراغ. في فراغ هنا عش الواد مبهدل اللعبة لكن نحاول نبينها يعني - [00:01:26](#)

كل مساحة من الفراغ دي في ابنك محتاجة جنبه فيها مسلا عنده جانب ايماني. جانب اخلاقي. جانب عنده القلب والمشاعر آآ عنده آآ الصحة عنده فراغ محتاج قدوة لما احنا يعني كل مساحة من مساحات الفراغ في شخصية ابنك هيملها غيرك. المدرسة الاصحاب النت الافلام المسلسلات - [00:01:48](#)

الاعلام او البرامج الشارع ايه معنى كلمة كلكم راع وكلكم مسؤول عن رعيته. كلمة الرعاية معناها ايه ؟ معناها الحب الاهتمام معناها المتابعة الملاحظة معناها التفقد معناها الحرص معناها حب الخير معناها الامانة والمسؤولية - [00:02:15](#)

انت عشان تصلح ولدك محتاج تلات امور مهمة جدا الامر الاول التصور الامر الثاني الشمول والامر الثالث الواقعية. خلينا نتكلم عن كل فكرة فيهم الاول التصور احنا بنقول حتى الحكم على شيء فرع عن تصوره - [00:02:41](#)

كيف يمكن ان تصلح ولدك وانت اساسا لا تعرفه واضح ؟ طيب انت محتاج تعرف شخصيته محتاج تعرف طباعه محتاج تعرف صفاته محتاج تعرف البيئة اللي هو عايشها والاخطر اللي بيقابلها. محتاج تعرف المرحلة السنوية اللي هو بيمر بها. محتاج تعرف ماذا تريد منه. انت عايز عايز منه ايه - [00:03:02](#)

محتاج تعرف الاسلوب اللي تصلحه به. كل ولد له مفتاح يعني ممكن يكون اتنين توأم. والناس اللي عندهم توأم او عندهم اولاد في البيت هيعرفوا ده. كل واحد له مفتاح. كل واحد له شخصيته - [00:03:24](#)

في واحد الكلمة الحلوة بتتفنفعه في واحد تاني الهدية بتتفنفعه وفيه واحد تاني انك تلعب معه بتكتسبه فال فكرة الاولى هي التصور لا يمكن ابدا ان يصلح انسان ولده او ابنته وهو لا يعرفه وهو ليس متتصورا لولده - [00:03:39](#)

لازم تعرف كل هذه الامور. تعرف المرحلة السنوية اللي بيعيشها تعرف صفاته. آآ تعرف آآ ماذا تريده منه تعرف بيئته تعرف اصحابه مقدمة هذه الامور هي الحب الحب والاهتمام لازم ولدك مش كفاية انك انت تكون بتحبه وخلاص. لابد ان يشعر ولدك انك تحبه - [00:03:57](#)

لابد ان تشعر ابنتك انك تحبها وانت كامرأة لابد ان يشعر ولدك انك تحببئنه. وكذلك آآ ابوه. لابد ان يشعر انه آآ يحبه وكذلك لابد ان يحبك هو. يعني ايه؟ يعني - 00:04:24

لو انت تعبت في اتجاه ان ابنك يحبك يبقى انت كده اختصرت مرحلة كبيرة جدا في موضوع الاصلاح وحتى هو ده من معاني قول الله تبارك وتعالى فيما رحمة من الله لنت لهم - 00:04:43

ولو كنت فظا غليظ القلب لانفضوا من حولك الله سبحانه وتعالى يقول الله للنبي صلى الله عليه وسلم يقول له الله رحمك ورحم اصحابك فمن مقتضي رحمتي انه جعل اخلاقك حسنة - 00:04:56

آآ تعجب هؤلاء فيحبونك فيقبلون منك ولو لم تكن كذلك مهما آآ يعني جئتكم بحجة وبينات وبصائر لن يقبلوا منك الله سبحانه وتعالى يتكلم هنا عن امر غير الحجة. انت ممكن تكون بتتكلم ابنك صح - 00:05:12

وممكن تكون بتتصحه بكلام مفيد له. لكن هو ما يحبكش انا كنت قبل ذلك في آآ فترة في في بلد اوروبية وكنا نتكلم عن اصلاح الابناء وفي امرأة بتشتكى من ابنها كثيرا جدا في مرحلة المراهقة ومرحلة المراهقة دي بالذات هي اهم اختبار آآ الام او الاب في التعامل مع الاولاد - 00:05:30

يعني من سن اتناشر تلتاشر اربعاتasher كده خمستasher بيبدأ الولد يكون عنده التغيرات وعنده شخصية فده بقى الاختبار الاصلي يعني فالست بتقول لي انا ابني يعني ما بيسمععش كلامي. قلت لها قبل قبل ما نتكلم فهل بيسمع كلامك او لا؟ هل انت بتعاملي ابنك كويس؟ هل - 00:05:51

اتكلمي معه هل بتحضنيه هل بتنقلبيه؟ هل بتجيسي معه بتخرجي معه؟ قالت لي والله ولا حاجة من دي. قلت لها طيب. هو مهما كنت بتتصحى ابنك باشياء نافعة لي او مفيدة هو مش هيسمع لك اساسا - 00:06:11

يبقى كل اجتهاد لك في اتجاه انك تصلح ابنك لازم يكون اول خطوة هي الحب والاهتمام. انه يشعر انك بتحبه وانك تكسب حبه وانك تهتم به طيب احنا كنا بنتكلم هنا على فكرة التصور اللي هي الفكرة الاولى - 00:06:25

طيب الفكرة الاولى آآ كيف اتصور ولدي؟ كيف اعرفه شيء بسيط جدا بالمخالطة بكثرة الكلام بانك تستمع له بانه يحكى لك اللي بيحصل له والمواقف اللي بتحصل له في المدرسة او مع اصحابه انك تستشيره انك آآ - 00:06:46

يصلبي معك او يسمع لك قرآن. او يحكى لك قصة او تحكي له قصة. او يكون فيه امر انت مقدم عليه تاخذ رأيه فيه او اه تذاكر معه او او اه تخرج معه تتكلم معه لازم - 00:07:04

عشان تعرف ولدك وتفهمه وتعرف مفتاحه لازم تفكك بالطريقة دي. لازم تدي له وقت من وقتك الفكره الثانية بقى هي فكرة الشمول الاول التصور اللي هي انك مختصرها في كلمة اعرف ولدك عشان تعرف مفتاحه. تدخل له ازاي - 00:07:20

طيب الشمول يعني ايه الشمول يعني انا لما احب اصلاح ابني اريد ان اصلاح ابني في جميع الجوانب قدر الامكان. فانا محتاج ان انا افهم ان ابني ده فيه جانب ايماني - 00:07:41

في القلب اصلاح القلب وفي الاخلاق. وفي المعرفة والثقافة وفي الدراسة. وفي التعامل مع الناس. وفي الشخصية ان يكون شخصيته قوية انه يكون عنده رأي ان يكون عنده ملكة نقدية يستطيع ان هو ما يكونش امعة. اه اذا وجد الناس يحسنون يحسنون واذا وجدتهم يسيئون يسيئون - 00:07:53

فانت لازم وطبعا في الجانب الصحي والجانب الرياضي فانت محتاج يكون عندك تصور لمنظومة النجاح اللي انت عايز ابنك يكون عليها. دي مهمة جدا ليه؟ لاني وجدت كتير جدا من الاباء مهمتهم - 00:08:14

في اتجاه وسايب بقيت الاتجاهات. ممكن يكون عمال يحفظ ابني قرآن. وان كان هو حتى يحافظه بطريقة غلط بتكرره في القرآن. آآ او بتخللي له القرآن هو مجرد مسابقات او زي ما انا اتكلمنا عليها في حلقة القرآن - 00:08:28

آآ وهو مهمتهم بابنه في جانب وشارك بقية الجوانب. مهمتهم بابنه في القرآن وسايبه في الدراسة او سايبه في الرياضة او ابنته بياكل ويشرب زي ما هو عايز. لأن لازم تتصور كده - 00:08:43

ان ابنك ده مشروع من اعظم الاعمال التي تتقارب بها الى الله مع كونه مسئولية. وهو خير يبقى لك. وانا تكلمت عن هذا في حلقة بعنوان مركبة اصلاح ابناء في الاسلام هي موجودة على يوتيوب - 00:08:53

يبقى دي فكرة مهمة جدا اللي هي فكرة انك انت كاب او كام تحتاج تتصور مشروع النجاح في ابنك في الدين الخلق القلب المعرفة الثقافة الصحة آآ اللياقه والرياضه الشخصية الدراسة التواصل مع الناس. يبقى دي جوانب - 00:09:08

نيجي بقى للمرحلة المهميه بقى المهمه اللي هي الواقعية يبقى عندنا تصور وشمول وواقعية واقعية ببساطه يعني ايه؟ يعني انت ت يريد ان تقلل الشر في ولدك وان تکفر الخير فيه. هي دي الواقعية - 00:09:29

فرق بقى بين النموذج الكامل اللي انت نفسك فيه وبين الممكن المتاح لك يعني ايه؟ طبعا ده بيكون نابع من الفكرة الاولى. اللي هي فكرة التصور والفكرة الثانية اللي هي فكرة الشمول. التصور انك عرفت ابنك - 00:09:46

والامر الثاني الشمول انك عايز تخليه كويس في كل حاجة. طيب الواقعية بقى هي هي الجانب العملي التطبيقي انك انت بناء على معرفتك بابنك ومعرفتك بالنجاح او آآ منزومة النجاح تحاول ان تكثر الخير في ولدك - 00:10:03

وان تقلل الشر فيه. هي دي بقى ايه؟ دي الفكرة التطبيقيه العملية هل معنى كده ان انك تتغزل لابنك تماما الواقع لأنك راجل عندك شغل وعندي مهمات لكن لابد ان تعلم انك مسؤل عن ولدك وانه امانة في رقبتك - 00:10:22

ومقتضى حبك له ان تهتم بدينه واخلاقه وثقافته ومعرفته وشخصيته وصحته ولياقته. كل هذا دم الحب والا يكون الحب فارغا فهنا المقصود معنى واحد ان تدخل ولدك كل فراغ عندك. يعني ايه؟ اكيد انت بتجي لك اوقات فراغ - 00:10:43

بدل ما تقعد على القهوة بدل ما تقعد مع اصحابك بدل ما تقعد على الانترنت. بيتك اولى بكل فراغ عندك. وانت بقى في اوقات الاكل في اوقات لعب في اوقات - 00:11:06

عندك اوقات كثيرة تعرف تصلح فيها ولدك. انا مش بقول لك كده انك تشتغل له امر وناهي بالعكس. انا قصدي اقول انك تشتغل على الفكرة كلها الاهتمام الرعاية الملاحظة التفقد ان تسمع له ان تحاوره ان تكلمه ان تستشيره. آآ يخرج معك ويتفسح معك - 00:11:18

ولو انت رايح مشوار رايح مثلا تشتري شيء او رايح تتفق على شيء يكون معك كل الامور دي ان شاء الله يكون لنا كلام كتير في الموضوع ده انا مش متخصص في موضوع التربية لكنني اكلمكم من واقع التجربة - 00:11:37

ومن واقع حالات كثيرة جدا اقابلها في الناس يشتكون من من ابائهم وبنائهم. وللاسف هم الذين قصروا. لذلك كل وقت تدخل به على ولدك او ابنته ستنفق اضعاف اضعافه بعد ذلك في محاولة تقليل شره. فلذلك الوقاية خير من العلاج. يعني انت بدل ما - 00:11:51

تنتظر ابنك عمال يبعد عنك يبعد يبعد يبعد. وعقله بيتشكل من التليفزيون من النت من البرامج من اصحابه. عمال يبعد عنك وانت بقى عايز تلحقه لما هتروح تلحقه هيكون باص كتير فهيكون اقصى امنيتك انه ما يسبلكش مشاكل - 00:12:11

انه ما يوديكش السجن او ما يعملكش مشاكل او ما انا في حلقة ان شاء الله هعملها قريبة هل اصبح اكتر حلمنا من ابئتنا ان هم ما يلحدوش والله في كتير جدا من السيدات والرجاله بيعطوا لي رسائل بيكول ازاي ابني ما يلحدش - 00:12:29

نفس الناس دول كانوا من كم سنة بيكولوا نفسها ابنتنا يكون عالم دكتور مهندس طبيب نافع للامة. دلوقتي بقى بيفكر بس ان ابني ما يكفرش. مع ان ابني ممكن يكون عايش حياة الكفر بيرتكب فواحش كتير من اصحابي في اوروبا بيحكي لي ان ابني - 00:12:46

يعني آآ اشياء ما اردash احكيها في ما اقدرsh احكيها في الحلقة صراحة يعني ابني بيعمل اشياء من الموبقات والفواحش وفي بيته وما يقدرش الرجال ينكر عليه لانه ساب ابنته يبعد عنه. لم يهتم به ولم يعبأ به ولم يتحمل مسئوليته. في الآخر بدأ يحاول يفوق لنفسه لكن بعد ما فات الاوان - 00:13:02

ومع ذلك الله سبحانه وتعالى يعني آآ لا شك ان في فرق بين الانسان اللي خلاص يعني طنش ابنته خالص وبين اللي بيحاول يعالج ابني. احنا بقى بنتكلم هنا على الفكرة دي. انك بدل ما تنتظر لما - 00:13:23

يضيع وتحاول تجيبيه لأ من الان لابد ان تغير حياتك تماما مع ابئتك اساس هذا التغيير هو الحب والاهتمام والرعاية والملاحظة والتفقد والاستماع والمحاورة وتأخذ رأيه وتستشيره ويصلني معك ويصلني بك - 00:13:37

ويحكى لك قصة وتأخذ برأيه في اشياء حاجات كثيرة جدا. اساسها هي الحب والاهتمام. هل معنى كده ده دي المؤمر الثاني ان انا اريد من ان ابنك يكون نسخة طبق الاصل منك؟ ابدا - 00:13:55

ابدا المفروض المقصود بس من الكلمة هي ان ابنك يلاقيك جنبه محتاجك يلاقيك جنبه حتى من غير ما يحتاجك انت المفروض تكون افضل صديق لابنك يكلمك ويحكى لك ويفرح بك. اذا انت انصرفت عنه لابد ان يبحث عن عن ملء هذه الجوانب من غيرك. لازم - 00:14:09

кам واحد فسد بسبب صديقه؟ كام واحد بنت فسدت بسبب صديقاتها تكون البنت كويسة ومستقيمة لابسة حجابها ومحترمة ترى ان دينها هو اكبر نعمة وترى ان عفتها وطهارتها اكبر نعمة - 00:14:29

فتتجد صديقتها في المدرسة او في الجامعة بيسخروا منها وابوها وامها منشغلين عنها كل واحد معه الموبايل ومع اصحابه. في عائلات كده بيكونوا قاعدين في البيت مش مع بعض يعني هم قاعدين ملتقين بالابدان لكن الارواح كل واحد مع اصحابه على الفيسبوك او على واتساب وسايب اهله البيت تفكك ما عدش فيه حب ولا اهتمام بالعكس - 00:14:45

لازم بيتك يكون هو اكتر مكان بتسعد فيه مراتك واولادك هم دول اهلك. وبعدين خذ من باقي الناس عليهم. اجمع معهم غيرهم. انما تنصرف عنهم هذا لا يصح ابدا يبقى انا مش المقصود ان ابنك يكون نسخة منك ان انا لما باقول لك لعبه الفراغات دي معنها انك انت اللي هتملى الفراغ بمعنى انك هتطبع ابنك لأ - 00:15:05

انا مش مقصود كده خالص المقصود ان ابنك يلاقيك جنبه آآ سواء احتاجك او ما احتاجكش انت جنبه بيحكى لك بيسمع منك بتسمع له وهكذا طب الامر الثالث بقى هل المقصود ان تكون سوبر مان يعني يعني تكون في كل حاجة كويس في الايمان والتقوى واللياقة والصحة - 00:15:29

لا لا مش مقصود كده. المقصود ان ابنك يشعر انك انسان شريف انسان محترم انسان صادق. انسان طيب بتحب دينك. بتحب ربنا. بتاخذ قرارات في حياتك. بناء على ما يرضي الله - 00:15:51

وبتبعد عن اشياء مع انك محتاجها بناء على انها لا ترضي الله. يرى آآ اهتمامك بصحتك وبلياقتك وبتغذيتك يرى اهتمامك الوقت انه يشعر ان الوقت هو شيء كنز انت تحافظ عليه. اشياء كثيرة جدا وكلام كتير عندي لكن انا فقط اردت انبهكم - 00:16:05

ان القصة دي اللي حصلت مع الشاب ده بتؤثر في جدا لاني بشعر ان لما يكون ابنك جاي يحكى لك في حاجة او يتكلم معك وعايزك تاخذ وتدى معه وانت تقول له مش فاضي لك مع انك فاضي له. وممكن تكون انت فاضي - 00:16:25

لواحدة بتبعث لك رسالة او شخص اخر بيكلمك في موضوع تافه. اول ما تلاقي نفسك بتتصرف عن اهل بيتك وترى سعادتك على القهوة او على النت او عند اصحابك اعرف ان ده نذير شر. واعرف ان دي بداية لكن ليس لها نهاية - 00:16:39

ستفقد نفسك ستفقد زوجتك ستفقد ابنائك حتى لو كنتم عايشين مع بعض حتى لو كان ابنائك مش فاسدين لكن فقدت الجو الاسري اللي هو بيعينك وانت اول مستفيد من صلاح ابنائك - 00:16:56

ولذلك انا عايز الشخص الافكار تاني عشان انا دخلت آآ يعني في كل مكان الفكرة الاولى ان ابنك في مساحات في شخصيته في مساحة ايمانية خلقية في تحتاج قدوة. انت ابنك بيتصدر له قدوات تافهة فارغة. شوية ناس بيلعبوا كورة ما لهمش ما بينفعوش لا الدنيا - 00:17:09

ولا الدين وممثلين وناس ما لهاش اي لازمة بيسدوا ليه على ان دول هم اعلى ناس ورجال اعمال وغيره ابنك بيتخيل ان هو دي هي دي البطولة وهي ده النجاح. انت تحتاج بقى تعرفه ايه هي القدوة فعلا. تحتاج تعرفه قيم الاشياء - 00:17:29

واضح يبقى عنده جانب القلب وعنده جانب المشاعر وجانب الصحة والفراغ والقدوة. كل دي امور هو محتاجك فيها الامر الثاني لو انت غفلت عنه هيتشكل عقله وقلبه من من من المدرسة من الشارع من آآ من الاصحاب من النت من البرامج - 00:17:45

آآ وهيكون هيرى الاشياء بهذه بنضارة هؤلاء. يعني كأنه ليس هذه النضارة. وطبعا انتم عارفين المدارس والاصحاب النت والشارع هيعلم ابنك ايه يعني الامر الذي بعد ذلك الرعاية الرعاية ما معنى كلكم راع فيها معنى الامانة المسئولية الحب الملاحظة المتابعة

الصيانت الوقاية. بعد كده عشان تصلح ولدك محتاج تللا امور مهمه. الاول التصور تعرف ابنك تعرف المراحله السنويه تعرف مفتاحه تعرف البيئة اللي هو عايش فيها. مين صاحبه؟ مين اصدقاءه بيأخذ ايه في المدرسة؟ بيسمع ايه؟ بيترجع ايه؟ لما بيجي يلعب بيلعب ايه؟ لما بيجي بيتسلى بيتسلى - 00:18:29

ازاي؟ كل دي امور مهمه عشان تعرف المفتاح اللي تدخل له به جينا اتكلمنا على فكرة كيف تعرفه اتكلمنا عن ان تخالطه تتكلم معه كثير تسمع له تستشيره تاخذ رأيه تخرج معه انا يعني دايما انت المشوار - 00:18:49

اللي بتاخده ابنك لحد المسجد هو ده يعني ده مشوار ما تضيعوش ابدا تاخذ ابنك للمسجد تسمع له ويتكلم معك ويحكى لك ويأخذ ويدى. وانت ممكن تقعد مدة كبيرة جدا وهو بيحكى لك قصة - 00:19:03
عادى واضح يعني استغلوا كل وقت في الموضوع ده. الامر الثاني الشمول انك انت عايز تصلح ابنك في كل حاجة قدر الامكان دينه اهم شيء. دينه هو اهم شيء اخلاقه قلبه صحته آآ وقته الثقافة المعرفة الدراسة كل دي - 00:19:16
الأخيرة بقى الواقعية انك انت ما تكونش مثالى وانت بتعامل ابنك احنا عايزين نقل شره ونكرر خيره. هو ده الميزان لأن كثير امي يقول انا حاسة بالاحباط. ام من الامهات. او اب يقول انا محبط. ليه؟ لأن كان عايز ابنه يكون مية في المية وابنه بقى سبعين في المية. لأنك نجحت. لأنك خلطيه بدل ما كان - 00:19:34

خمسين في المية بقى سبعين في المية بدل ما كان بيسقط في عشر مواد بقى بيسقط في تلات مواد. انت نجحت ده نجاح بيقى ما تقىش لا تقى نفسك في اي عمل على الصورة الكاملة. ولكن نفسك ماذا كنت وكيف صرت - 00:19:54
ده ميزان النجاح انا ما كنتش حافظ القرآن. وبقى لي سنة حفظت جزء عم. نجحت لأنى ما كنتش حافظ جزء عم. دلوقتي حفظت جزء عم. بدل ما كنت باصلي بان اعطيتك الكوثر. وسورة النصر دلوقتي عندي تلاتين سورة بصلني فيهم. نجاح كبير. ابني كان - 00:20:10
بيسقط في المدرسة بقى بيحب خمسين في المية نجاح لا تقى نفسك على الصورة المتكاملة اه طيب آآ الامر اللي بعد كده التلات حاجات اللي احنا قلناها مش مقصود انك تتفرغ تماماً لابنك لأنك ادخر له كل فراغ. اتنين مش مقصود انه بيقى نسخة منه - 00:20:26
المقصود انك تكون جنبه ترعاه توجهه ترشده. اخر شيء مش مقصود انك تبقى سوبر مان في كل حاجة. لأن المقصود ان هو يرى انك انت اب شريف تخاف من الله وتخشاه وتحبه وتحافظ على وقتك - 00:20:42

وقتك تحافظ على صحتك. وبعدين كل واحد له يعني آآ مواهبه وله ميوله في في الطريق الذي يأخذه لله تبارك وتعالى آآ ان شاء الله في حلقات على على يوتوب. بحاول ابسط فيها الافكار من خلال التجربة. ومع ذلك احب جدا من كلاب وكل ام ان يرجعوا - 00:20:55

والى المتخصصين بالذات في خصائص كل مرحلة سنوية مثلاً الولد وهو عنده سنتين وعنده تلات سنين اربع سنين خمس سنين.
الرجوع الى المتخصصين في هذا الامر مهم جدا. وكمان مع ابنك. تلاحظ التغيرات في ابنك - 00:21:16
ربنا هب لنا من ازواجانا وذرياتنا قرة اعين واجعلنا للمتقين اماما. واسف ان انا طولت عليكم. لكن انا والله احب من كل اب وكل ام ان يعرف ان ولده او ابنته من اعظم مشاريع الحياة وبرهان حبك لولدك ان تسعى في اصلاحه. والا - 00:21:31
الدعاء له. يعني مهما اخذ كل اللي احنا اتكلمنا فيه ده شيء والدعاء ده شيء اخر. يعني اذا كنت تسعى في هذه الامور عشرة في المئة تسعي بالمائة الدعاء اكثر من الدعاء لابنائك ولاملك ولنفسك. والسلام عليكم ورحمة الله وبركاته - 00:21:51